



12346

沈氏三先生文集卷第十一

長興集卷第一

原本闕今補

龍圖閣學士沈括存中著



騷賦歌詩

幽命

山木嘯兮雲幽幽秣我歸馬兮無為久留江颺翔兮雨

漫漫回余車兮水漸臆仲何為兮中野憺將洋兮疏駕

目遊兮形留鬱逍遙兮日下瀉 慕兮流觀舞節兮浩

望駟黃冥兮靡騁旋吾輪兮焉往不為虛兮斯辰思何

沈氏三先生文集

卷第十一

川文川

為兮鞅掌

懷歸賦

歸休乎嗟生亦勞兮歲常九行而一息四方已莫不異

兮欲終往而安即披荆榛以孤鶩涉大塗之梗塞投屣

顏以畚入孰為朝久眠而暮警欬羌一山而百折兮况

千里之綿邈高浪鱗捲而電劃兮近不保乎咫尺嗟乎

子乘此而安之兮托扶搖以寸翮吾一念子之往兮意

尤兀肆而屹立彼大人之聖哲寧有欲乎顛躓摩冥冥

之無窮抽萬世之潛然雖皎中而自信亦終壞坎而莫



觀來之不可與謀兮果去亦庸何惕旣振轡而大驅兮  
盍倘佯其所適斯無羨於古人兮苟亦善吾之令德終  
曠蕩之可驤信幽履之不惑

海州觀放鵝搏兔不中而飛去

秋霜濯空林暮日在峰頂冥冥起長風稍稍絕遺影驍  
禽值猛搏俯取不待頃豈非求者乖矯翮成遠騁未能  
謝榛莽那用遽悻悻此心竟可憐得失未宜病

圖畫歌

畫中最妙言山水摩詰峰巒兩面起李成筆奪造化功

沈氏三先生文集

卷第十一

二

川々

荆浩開圖論千里范寬石瀾煙樹深枯木關全極難比  
江南董源僧巨然淡墨輕嵐爲一體宋迪長於遠與平  
王端善作寒江行克明已往道寧逝瀆熙遂得新來名  
花竹翎毛不同等獨出徐熙入神境趙昌設色古無如  
王友劉常亦堪並黃筌居采及譚宏漚鷺春葩蜀中景  
艾宣孔雀世絕倫羊仲甫雞口妙品惟有長沙易元吉  
豈止獐鹿人不及鵬鷹飛動羨張涇番馬胡瓌屹然立  
濠梁崔白及崔慤羣虎屏風供御幄海州徐易魚水科  
鱗鬣如生頗難學金陵佛像王齊翰顧德謙名皆雅玩

老曹菩薩各精神道子李劉俱偉觀星辰獨向孫知微  
盧氏楞伽亦爲伴勾龍爽筆勢飄飄錦里三人共輝燦  
西川女子分十箴宮樣撚線周昉肥堯民擊壤鼓腹笑  
滕王蛺蝶相交飛居靈草蟲名浙右孤松韋偃稱世稀  
韓幹能爲大宛馬包鼎虎有驚人威將軍曹霸善圖寫  
玉花驄馬今傳之馭人相扶似偶語老杜詠入丹青詩  
少保薛稷偏工鶴雜品皆奇惟石恪戴嵩韓滉能畫牛  
小景惠崇煙漠漠唐僧傳古精畫龍毫端想與精神通  
拏珠奮身奔海窟鬣如飛火騰虛空忠恕樓臺真有功

沈氏三先生文集

卷第十一

三

川十一

山頭突出華清宮用及象坤能畫鬼角嘴鐵面頭蓬鬆  
侯翼曾爲五侯圖海山聚出風雲烏爾朱先生著儒服  
呂翁碧眼長髭鬚愷之維摩失舊跡但見累世令人摹  
探微真跡存一本甘露板壁狻猊枯操蛇惡鬼銜火獸  
鑿名道子傳姓吳僧繇殿龍點雙目卽時便有雷霆驅  
仙翁葛老渡溪嶺蕭灑數幅名移居輞川弄水井捕魚  
長汀亂葦寒疎疎子家所有將盈車高下百品難俱書  
相傳好古雅君子觀詩觀畫言無虛



新秋拂水無行跡夜夜隨潮遇江北西風捲雨上半天  
渡口微涼含晚一作曉碧城頭鼓響日脚垂天際籠煙鎖

山色高樓寂寞臨長陌黃竹一聲無北客時平田苦少  
人耕惟有蘆花滿江白

姓承天觀在太平府北兩樂北頭觀

上士修真地曾無俗混淆雲根起壇級江面出松梢軒  
靜簷垂斗牕虛洞接茅何當脫塵滓來結皎然交

### 望海樓

雨聲林外盡秋色望中添落日挂疎柳遠江橫莫簷好

沈氏二先生文集卷第十一 四 川〇又

風疑有意墮葉故爭簾為問樓中客胡為盡日淹

### 寧國縣十松亭

空堂無人日長哦松風助我澗雲和蒼顏古木喜相似

愛子亦有凌雲柯歡然相對默終日意得那須言強多

我身未得從子老嗟爾繫此成蹉跎

潤州甘露寺一作登北固樓

丞相高齋半草萊舊時風雨滿亭臺地從日月生時見

天到江山盡處回三國是非春夢斷六朝城闕野花開

心隨湖水漫漫去流徧煙村半日來西風卷雨上半天

花山寺

經旬飄雨喜新晴病馬新晴取次行老態只應隨日至  
春心無事與花爭山川滿目浮煙合樓閣侵天暮靄橫  
嗟我有身無處用強攜尊酒入崢嶸莫愁對山流水

秀州官舍秋日

草滿池塘霜送梅林疎野色近樓臺天圍故越侵雲盡  
潮上孤城帶月回客夢冷隨楓葉斷秋心低逐雁聲來  
流年又喜經重九可意黃花是處開

邊兵每得勝回則連隊抗聲凱歌乃古之遺音也

沈氏三先生文集

卷第十一

五

歌詞皆市井鄙俚之語予在郵延時製數十曲

令士卒歌之粗記數篇

先取山西十二州別分子將打衙頭回看秦塞低如馬

眼見黃河直北流

嘉按唐僖宗光啟三年魏博節度使樂彥楨其子從訓聚亡命五百餘人

爲親兵謂之子將次句蓋用此

天威捲地過黃河萬里羌人盡漢歌莫堰橫山倒流水

從教西去作恩波

馬尾胡琴隨漢車曲聲猶自怨單于彎弓莫射雲中雁

歸雁如今不寄書



旗隊渾如錦繡堆銀裝背鬼打回回一作打球回先教淨掃

安西路待向河源飲馬來

靈武西涼不用圍蕃家總待納王師城中半是關西種

猶有常年乾喫根勿反兒

戲延州香賦題詞弄黃鸝詞之題留不

三郎山下雪紛紛旋卓穹廬學塞人化盡素衣冬未老

石煙多似洛陽塵

鄜延境內有石油生於水際沙石與泉水相雜稠稠而出土人以雉尾裏

之乃采入缶中頗似瀟漆然之煙甚濃所霜幄幕皆黑試掃其煤以爲墨黑光如漆松墨所不及造煤人蓋未

知石煙之利也

沈氏三先生文集

卷第十一

六

山居嘗茶

一作茶論詩

誰把嫩香名雀舌定知北客未曾嘗不知靈草天然異

一夜風吹一寸長

姑孰溪

新晴渡口百花香石子池頭鴨弄黃捲幔夕陽留不住

好風將雨過梅塘

豹堂春水綠泱泱謝市雲深柳線長睡起不知潮信過

船頭晚雨打荻蔣

鞦韆

香入熏爐禁火天芙蓉深院鬪鞦韆身輕幾欲隨風去  
卻恨恩深不得仙

仙都朝長水正營戴道出中山去年今日西岑別  
苔封輦路上青山鶴馭遠天去不還惟有銀河秋夜月  
鼎湖煙浪到人閒

夜登金山  
樓臺兩岸水相連江北江南鏡裏天蘆管玉簫齊送夜  
一聲飛斷月如煙

歸計  
沈氏三先生文集 卷第十一 七

住山人少說山多空只年年憶薜蘿不是自心應不信  
眼前歸計又蹉跎

歎老  
爲覓少年心不得當時感舊已潸然情懷此日君休問  
又老當時二十年

寄永嘉王博士  
十萬囊韉臨易水五營旗鼓出中山去年今日西岑別  
回首吳山夢寐閒

開元樂詞  
按侯鯖錄存中元豐中入翰林爲學士  
有開元樂詞四首裕陵賞愛之。一作



鸛鵲樓頭日煖蓬萊殿裏花香草綠煙迷步障天高日

近龍牀

典曰清風殿有柱 對言門道車馬 漢滿日更無塵可礙 善問謙謝小閣

樓上正臨宮外人閒不見仙家寒食輕煙薄霧滿城明

月梨花開賈誼客一首由隨水會宗無期當却被風日

按舞驪山影裏回鑿渭水光中玉笛一天明月翠華滿

目東風谷笑山應賦神靈越千里去指點魏牟心

殿後春旗簇仗樓前御隊穿花一片紅雲鬧處外人遙

認官家

沈氏三先生文集

卷第十一

八

川一

光化道中遇雨

望遠初翻葉隨風已結陰雨篷宜倦枕鄉夢入寒衾莎

笠侵鄖俗溪山動越吟煙波千里去誰識魏牟心

自題水閣絕句

三閒水閣賈耘老一首佳詞沈會宗無限當時好風月

如今總屬續溪翁

按賈耘老有水閣在茗溪上景物清曠沈會宗為牟天仙子詞曰景物因

人成勝槩滿目更無塵可礙等閒簾幙小闌干衣未解

心先快明月清風如有待誰信門前車馬隘別是人

閒閑世界坐中無物不清涼山一帶水一派流水白雲

物悉如會宗之詞故存中賦此

蛾眉亭

雙峰秀出兩眉彎翠黛依然鑑影閒終日含顰緣底事

祇應長對望夫山

良方序

沈氏三先生文集卷第十一

沈氏三先生文集

卷第十一

九

川文

沈氏三先生文集

沈氏三先生文集

蛾眉亭



沈氏三先生文集卷十三

長興集卷第二

原本闕今補

龍圖閣學士沈括存中著

序

良方序

予嘗論治病有五難辨疾治疾飲藥處方別藥此五也  
今之視疾者唯候氣口六脈而已古之人視疾必察其  
聲音顏色舉動膚理情性嗜好問其所爲考其所行已  
得其大半而乃徧診人迎氣口十二動脈疾發於五臟

沈氏三先生文集

卷第十二

一

川川十

則五色爲之應五聲爲之變五味爲之偏十二脈爲之  
動求之如此其詳然而猶懼失之此辨疾之難一也今  
之治疾者以一二藥書其服餌之節授之而已古之治  
疾者先知陰陽運歷之變故山林川澤之竅發而又視  
其老少肥瘠貴賤居養性術好惡憂喜勞逸順其所宜  
違其所不宜或藥或火或刺或砭或風或液矯易其故  
常揆摩其性理搏而索之投機順變間不容髮而又調  
其衣服理其飲食異其居處因其情以或治性天或治  
以人五運六氣冬寒夏暑陽而電雹鬼靈厭蠱甘苦寒

暑之節從先勝復之用此天理也盛衰強弱五臟異稟飲食異好循其所同察其所偏不以此一形彼不一不以一人例彼眾人此人事也言能不傳之於書亦不喻之於口其精過於承蜩其察甚於刻棘目不捨色耳不失聲手不釋脈猶懼其差也授藥遂去而希其十全不其難哉此治疾之難二也古之飲藥者煮煉有節飲啜有宜藥有可以久煮有不可以久煮者有宜熾火有宜溫火者此煮煉之節也宜溫宜寒或緩或速或乘飲食喜怒而飲食喜怒爲用者有違飲食喜怒而飲食喜怒

爲敵者此飲啜之宜也而水泉有美惡操藥之人有勤惰如此而責藥之不效者非藥之罪也此服藥之難二也藥之單用爲易知復用爲難知世之處方者以一藥爲不足又以眾藥益之殊不知藥之有相使者有相反者有相合而性易者方書雖有使佐畏惡之性而古人所未言人情所不測者庸可盡哉如酒之於人有飲之踰石而不亂有濡脣則顛眩者黍之於人有終日搏澆而無害者有觸之則瘡爛者焉知藥之於人無似此者此稟賦之異也南人食豬魚以生北人食豬魚以病此



風氣之異也水銀得硫黃而赤如丹得礬石而白如雪  
人之欲酸者無過於醋矣以醋爲未足又益之以棖二  
酸相濟宜甚酸而反甘巴豆善利也以巴豆之利爲未  
足而又益之以大黃則其利反折蟹與柿嘗食之而無  
害也二物相遇不旋踵而嘔此色爲易見味爲易知嘔  
利爲大變故人人知之至於相合而之他藏致他疾者  
庸可易知耶如乳石之忌參朮觸者多死至於五石散  
則皆用參朮此古人處方之妙而世人或未喻也此處  
方之難四也醫誠藝也方誠善也用之中節也而藥或

沈氏三先生文集

卷第十二

三

川文上

非良其奈何哉橘過江而爲枳麥得溼而爲蛾雞踰嶺  
而黑鸛鶴踰嶺而白月虧而蚌蛤消露下而蚊喙斥此  
形氣之易知者也藥性豈獨不然乎予觀越人藝茶畦  
稻一溝一壟之異遠不能數步則色味頓殊況藥之所  
生秦越燕楚之相遠又有山澤膏瘠燥溼之異稟豈能  
物物盡其所宜又素問說陽明在天則花實戕氣少陽  
在泉則金石失理如此之論採掇者固未嘗恤疑也抑

誤也

又取之有早晚藏之有良苦風雨燥溼動有槁暴今之  
處藥或有惡火者必日之而後咀然安知採藏之家不

嘗烘焙哉又不能必此辨藥之難五也此五者大概而已其微至於言不能宣其詳至於書不能載豈庸庸之人而可以易言醫哉予治方最久有方之良者輒異疏于世之爲方者稱其治效嘗喜過實千金肘後之類尤多溢言使人不復敢信予所謂良方者必目睹其驗始著於篇聞不預也然人之病如向所謂五難者方豈能必良哉一睹其驗卽謂之良殆不異乎刻舟以求遺劍者予所以詳著其狀於方尾疾有相似者庶幾偶值云耳篇無次序隨得隨注以與人拯道貴速故不暇久伏

沈氏三先生文集

卷第十二

四

川上文

待完也

游山門詩序

此序雖存而詩則亡

靈國之西有山蔚然獨起四壁蘄絕有佛宮棲其間不可攀而躋也其下則偃然有門闔焉世謂之山門而不名宣稱江南山川之奧而靈國據其高塏山門又其尤焉則其鍾稟之異不待予言而知也靈國士大夫乃未有一人嘗至其下者至其閭巷市井田野之人亦不能以一日遊焉彼皆有以其身而不暇外慕也爲宜今之人必至於乖謬齟齬材智不合於時去無田疇山林



百工之事以歸其身而後逶遲偃蹇肆傲於山林水石之間悠然遐觀思古人而終身焉然於進退之決予未能如彼其果也要無所用其身而寓之外物登臨而望遠激流泉之清波翳茂樹之緜陰則予將有遇焉旣又爲詩一篇以記其遊耳目之所得吾詩能言之求其所以遊所以得所以樂蓋詩未嘗能賦也

夢溪筆談自序

予退處林下深居絕過從思平日與客言者時紀一事於筆則若有所晤言蕭然移日所與談者惟筆硯而已

沈氏二先生文集 卷第十二 五 川文川

故謂之筆談聖謨國政及事近宮省皆不敢私紀至於繫當日士大夫毀譽者雖善亦不欲書非止不言人惡而已所錄惟山閒木蔭率意談噓不繫人之利害者下至閭巷之言靡所不有亦有得於傳聞者其閒不能無缺謬以之爲言則甚卑以予爲無意於言可也

沈氏三先生文集卷第十三

長興集卷第三

龍圖閣學士沈括存中著

河議論

渾儀議

五星之行有疾舒日月之交有見匿求其次舍經躔之會其法一寓於日冬至之日日之端南者也日行周天而復集於表銳凡三百六十有五十四分日之幾一而謂之歲周天之體日別之謂之度度之離其數有二日

沈氏三先生文集

卷第十三

一

行則舒

此下似脫一字

則疾會而均別之曰赤道之度日行自

南北升降四十有八度而迤別之曰黃道之度度不可見其可見者星也日月五星之所由有星焉當度之畫者凡二十有八而謂之舍舍所以挈度度所以生數也度在天者也為之璣衡則度在器度在器則日月五星可以搏乎器中而天無所豫也天無所豫則在天者不為難知也自漢以前為歷者必有璣衡以自驗跡其後雖有璣衡而不為歷作為歷亦不復以器自考氣朔星緯而皆莫能知其必當之數至唐僧僧一行改步天大



衍歷法始復用渾儀參貫故其術所得比諸家爲多臣嘗考古今儀象之法虞書所謂璿璣玉衡惟鄭康成粗記其法至洛下閎製圓儀賈逵又加黃道其詳皆不存於書其後張衡爲銅儀於密室中以水轉之蓋所謂渾象非古之璿衡也吳孫氏時王蕃陸績皆嘗爲儀及象其說以爲舊以一分爲一度而患星辰稠音記稠密也張

衡改用四分而復推重難運故蕃以三分爲度周丈有九寸五分寸之三而具黃赤道焉績之說以天形如鳥卵小橢而黃赤道短長相害不能應法至劉曜時南陽

沈氏三先生文集

卷第十三

二

川文上

孔定製銅儀有雙規規正距子午以象天有橫規判儀之中以象地有持規斜絡天腹以候赤道南北植幹以法二極其中乃爲游規窺管劉曜太史令晁崇斛蘭皆嘗爲鐵儀其規有六四常定以象地一象赤道其二象二極乃定是所謂雙規者也其製史作制與定法大同唯

南北柱曲抱雙規下有縱橫水平以銀錯星度小變舊法而皆不言有黃道疑其失傳也唐李淳風別爲圓儀三重其外曰六合有天經雙規金渾緯規金常規次日三辰轉於六合之內圓徑八尺有璿璣規月游規所謂

璿璣者黃赤道屬焉又次曰四游南北爲天樞中爲游  
筭可以升降游轉別有月道傍列二百四十九交以攜

月游一行以爲難用而其法亦亡其後率府兵曹梁令

瓚更以木爲游儀因清風之法而稍附新意詔與一行

雜校得失改鑄銅儀古今文鑑作古人非稱其詳確至道中初

鑄渾天儀於司天監多因斛蘭晁崇之法皇祐中改鑄

銅儀於天文院姑文鑑作始用令瓚一行之論而去取交有

失得臣今輯古今之說以求數象有不合者十有三事

其一舊說以謂今中國於地爲東南當令西北望極星

沈氏二先生文集 卷第十三 三 一〇

置天極不當中北又曰天常傾西北故極星不得居中

臣謂以中國規文鑑無規字觀之天常北倚可也謂極星偏

西則不然所謂東西南北者何從而得之豈不以日之

所出者爲東日之所入者爲西乎臣觀古之候天者自

安南都護府至浚儀大岳臺纔六千里而北極之差凡

十五度稍北不已庸詎知極星之不直人上也臣嘗讀

黃帝素問宋史無問字書立於午而面子立於子而面午至

於自卯而望酉自酉而望卯皆曰北面立於卯而負西

立於酉而負卯至於自午而望南自子而望北則皆曰



南面臣始不喻其理逮今思之乃常以天中爲北也常以天中爲北則蓋以極星常居天中也素問尤爲善言天者今南北纜五百里則北極輒差一度以上而東南西北數千里閒日分之時候之日未嘗不出於卯半而入於酉半則又知天樞旣中則日之所出者定爲東日之所入者定爲西天樞則常爲北無疑矣以衡窺之日分之時以渾儀抵極星以候日之出沒則常在卯酉之半少北此殆放乎四海而同者何從而知中國之爲東南也彼徒見中國東南皆際海而爲是說也臣以爲

史作

沈氏二先生文集

卷第十三

四

川文上

謂

極星之果中果非中皆無足論者彼北極之出地六千里之閒所差者已如是又安知其茫昧幾千萬里之外耶今直當據建邦之地人目之所及者哉以爲法者宜置而勿議可也其二曰絃平設以象地體今渾儀置於崇臺之上下瞰日月之所出則絃不與地際相當者臣詳此說雖粗有理然天地之廣大不爲一臺之高下有所推遷蓋渾儀考天地之體有實數有準數所謂實者此數卽彼數也此移赤彼亦移赤之謂也所謂準者以此準彼此之一分則準彼之幾千里之謂也今臺之

高下乃所謂實數一臺之高不過數丈彼之所差者亦不過此天地之大豈數丈足累其高下若衡之低昂則所謂準數者也衡移一分則彼不知其幾千里則衡之低昂當審

文鑑作脊

而臺之高下非所當卹也其三日月行

之道過交則入黃道六度而稍卻復交則出於黃道之南亦如之月行周於黃道如繩之繞木故月交而行日之陰則日爲之虧入蝕法而不虧者行日之陽也每月退交二百四十九周有奇然後復會今月道旣不能環繞黃道又退交之漸當每日差池今必候月終而頓移

沈氏二先生文集

卷第十三

五

川文上

亦終不能符會天度當省去月環其候月之出入專以歷法步之其四衡上下二端皆徑一度有半用日之徑也若衡端不能全容日月之體則無由審日月定次欲日月正滿上衡之端不可動移此其所以用一度有半爲法也下端亦一度有半則不然若人目追下端之東以窺上端之西則差幾三度凡求星之法必令所求之星正當穿之中心今兩端旣等則人目游動無因知其正中今以鉤股法求之下徑三分上徑一度有半則兩竅相覆大小略等人目不搖則所察自正其五前世皆



以極星爲天中自祖衡文鑑作唯後同以機衡窺考天極不動

處乃在極星之末猶一度有餘今銅儀天樞內徑一度

有半乃謬以衡端之度爲率若機衡端平則極星常游

天樞之外機衡小偏則極星乍出乍入令瓚舊法天樞

乃徑二度有半蓋欲使極星游於樞中也臣考驗極星

更三月而後知宋史無此八字天中不動處遠極星乃三度有

餘則祖衡窺考猶爲未審宋史無此九字今當爲天極宋史作樞徑

七度使人目切南極宋史作樞望之極星正循北極裏周常

見不隱天體方正其六令瓚以辰刻十千八卦皆刻於

沈氏三先生文集 卷第十三 六 〇〇三

紘然紘平正而黃道斜運當子午之間則日徑度而道

促卯酉之際則日進行而道舒如此辰刻不能無謬新

銅儀則移刻於緯四游均平辰刻不失然令瓚天中單

環直中國人頂之上而新銅儀緯斜絡南北極之中與

赤道相直舊法設之無用新儀移之爲是然當側窺如

車輪之牙而不當衡規如鼓陶其旁迫狹難賦辰刻而

又蔽映星度其七司天銅儀黃赤道與紘合鑄不可轉

移雖與天運不符至於窺測之時先以距度星考定三

辰所舍復運游儀抵本宿度乃求出入黃道與去極度

所得無以異於合瓚之術其法本於晁崇斛蘭之舊制雖不甚精縟而頗爲簡易李淳風嘗謂斛蘭所作鐵儀赤道不動乃如膠柱以考月行差或至十七度少不減十度此正謂直以赤道候月行其差如此今黃赤道度再運游儀抵所舍宿度求之而月行則以月厯每日去極度算率之不可謂之膠也新法定宿而變黃道此定黃道而變宿但可賦三百六十五度而不能具餘分此其爲略也其八令瓚舊法黃道設於月道之上赤道又次月道而璣最處其下每月移交則黃赤道輒變今當

沈氏三先生文集

卷第十三

七

川文

省去月道徙璣於赤道之上而黃道居赤道之下則二道與衡端相迫而星度易審其九舊法規環一面刻周天度一面加銀丁所以施銀丁者夜候天晦不可以目察則以手切之也古之人以璿爲之璿者珠之屬也今司天監三辰儀設齒於環背不與橫簫會當移列兩旁以便參察其十舊法重璣皆廣四寸厚四分其他規軸推重樸拙不可旋運今小損其制使之輕利其十一古之人知黃道歲易不知赤道之因變也黃道之度與赤道之度相偶者也黃道徙而西則赤道不得獨膠今當



變赤道與黃道同法其十二舊法黃赤道平設正當天  
度掩蔽人目不可占察其後乃別加鑽孔尤爲拙謬今  
當側置少偏使天度出北際之外自不凌蔽其十三舊  
法地紘正絡文鑑作  
絡誤天經之半凡候三辰出入則地際  
正爲地紘所伏今當徙紘稍下使地際與紘之上際相  
直候三辰伏見專以紘際爲率文鑑  
作法自當默與天合

渾儀製器

渾儀之器其屬有二相因爲用其在外者曰體以立四  
方上下之定位其次曰象以法天之運行其在內璣衡

沈氏三先生文集

卷第十三

八

川三一

璣以察緯衡以察經求天地端極三明匿見者體爲之  
用察黃道降陟辰刻運徙者象爲之用四方上下無所  
不屬者璣衡爲之用體之爲器爲圓規者四其規之別  
一曰經經之規二並峙正抵子午若車輪之植二規相  
距四寸夾規爲齒以別去極之度北極出紘之上三十  
有四度十分度之八強南極下紘亦如之對衡二釭聯  
二規以爲一釭中容樞二曰緯緯之規一與經交於二  
極之中若車輪之倚南北距極皆九十一度強夾規爲  
齒以別周天之度三曰紘紘之規一上際當經之半若

車輪之仆以考地際周賦十二辰以定八方絃之下有  
跌縱一衡一刻溝受水以爲平中溝爲地

疑是池

以受注

水四末建跌爲升龍四以負絃凡渾儀之屬皆屬焉龍  
吭爲綱維之四捷以爲固象之爲器爲圓規者四其規  
之別一曰璣璣之規二並時相距如經之度夾規爲齒  
對銜二釭釭中容樞皆如經之率設之亦如經其異者  
經膠而璣可旋二曰赤道赤道之規一刻璣十分寸之  
三以銜赤道赤道設之如緯其異者緯膠於經而赤道  
銜於璣有時而移度穿一竅以移歲差三曰黃道黃道

沈氏三先生文集

卷第十三

九

川文

之規一刻赤道十分寸之二以銜黃道其南出赤道之  
北際二十有四度其北入赤道亦如之交於奎角度穿  
一竅以銅編屬於赤道歲差盈度則并赤道徙而西黃  
赤道夾規爲齒以別均迤之度璣衡之爲器爲圓規二  
曰璣對時相距如象璣之度夾規爲齒皆如象璣其異  
者象璣對銜二釭而璣對銜二樞貫於象璣天經之釭  
中三物相重而不相膠爲閒十分寸之三無使相切所  
以利旋也爲橫簫二兩端夾樞屬於璣其中挾衡爲橫  
一棲於橫簫之閒中衡爲轄以貫衡簫兩末入於璣之



罅而可旋璣可以左右以察四方之祥衡可以低昂以  
察上下之祥

罅壺浮漏議

播水之壺三而受水之壺一曰求壺廢壺方中皆圓尺  
有八寸尺有四寸五分以深其食二斛爲積分四百六  
十六萬六千四百六十曰複壺如求壺之度中離以爲  
二元一斛介八斗而中有達曰建壺方尺植三尺有五  
寸其食斛有半求壺之水複壺之所水也壺盈則水馳  
壺虛則水凝複壺之脇爲枝渠以爲水節求壺進水暴

沈氏三先生文集

卷第十三

十

川上

則流怒以搖複以壺又折以爲介複爲枝渠達其濫溢  
枝渠之委所謂廢壺也以受廢水三壺皆所以播水爲  
水制也自複壺之分以玉權醜於建壺建壺所以受水  
爲刻者也建壺一易箭則發土室以瀉之求複建壺之  
泄皆欲迫下水所趣也玉權下水之槩寸矯而上之然  
後發則水撓而不躁也複壺之達半求壺之注玉權半  
複壺之達枝渠博皆分高如其博平方如砥以爲水槩  
壺皆爲之冪無使穢游則水道不慧求壺之冪龍紐以  
其出水不窮也複壺士紐士所以生法者複壺制法之

器也廢壺甌紐止水之藩甌所伏也銅史令刻執漏政也冬設煇燎以澤凝也注水以龍嚼直頸附於壺體直則易浚附於壺體則難敗復壺玉爲之喙銜於龍嚼謂之權所以權其盈虛也建壺之執室瓶音塗而彌之以重帛室則不吐也管之善利者水所洩也非玉則不能堅良以久權之所出高則源輕源輕則其委不悍而洩物不利箭不效於璣衡則易權洗箭而改畫覆以璣衡謂之常不弊之術今之下漏者始嘗甚密久復先大者管泐也管泐而器皆弊者無權也弊而不可復壽者術

沈氏三先生文集

卷第十三

七

八〇川

固也察日之晷以璣衡而制箭以日之晷跡一刻之度

以賦餘刻刻有不均者建壺有青

疑是音

也贅者磨之創

者補之百刻一度其壺乃善晝夜已復而箭有餘才者

權鄙也晝夜未復而壺吐者權沃也如是則調其權此

制器之法也下漏必用甘泉惡其

魚僅切銀去聲滓泥也

之爲

壺管也必用一源泉之冽者權之而重重則敏於行而

爲箭之情慄泉之鹵者權之而輕輕則椎於行而爲箭

之情驚一井不可他汲數汲則泉濁陳水不可再注再

注則行利此下漏之法也箭一如建壺之長廣寸有五



分三分去二以爲之厚其陽爲百刻爲十二辰博牘二十有一如箭之長廣五分去半以爲之厚陽爲五更爲二十有五籌陰刻消長之衰三分箭之廣其中刻契以容牘夜算差一刻則因箭而易牘鐐匏箭舟也其虛五升重一鎰有半鍛而赤柔者金之美者也然後漬而不墨墨者其久必蝕銀之有銅則墨銅之有錫則屑特銅久澇則腹敗而飲疑是皆工之所不材也

景表議

步景之法惟定南北爲難古法置塾爲規識日出之西

沈氏三先生文集

卷第十三

七

川上

與日入之景晝參諸日中之景夜考之極星極星之度天中而候景之法取晨夕景之最長者規之兩表相土中折以參驗最短之景爲日中然測景之地百里之間地之高下東西不能無偏其間又有邑屋山林之蔽倘在人目之外則與濁氣相雜莫能知其所蔽而濁氛又繫其日之明晦風雨人閒煙氣塵坌變作不常臣在本局候景入濁出濁之節日日不同此又不足以考見出沒之實則晨夕景之短長未能得其極數參考舊聞立新術候景之表三其崇八尺博三寸三分殺一以爲

厚者圭首刻其南使偏銳其趺方厚各二尺環趺刻渠受水以爲準以銅爲之表四方志墨以爲中刻之綴四繩垂以銅丸各當一方之墨光約定四方以三表南北相重令趺相切表別相去二尺各使端直四繩皆附墨三表相去左右上下以度量之令相重如一日初出則量西景三表相去之度又量三表之端景之所至各別記之至日欲入候東景亦如之長短同相去之疎密又同則以東西景端隨表景規之半折以求最短之景五者皆合則半折最短之景爲北表南墨之下爲南東西

沈氏三先生文集

卷第十三

三

川三三

景端爲東西五候一有不合未足以爲正旣得四東則惟設一表方首表下爲石席以水平之植表於席之南端席廣三尺長如九服冬至之景自表趺刻以爲分分積爲寸寸積爲尺爲密室以樓表當極爲雷以下午景使當表端副表并趺崇四寸趺博二寸厚五分方首刻其南以銅爲之凡景表景薄不可辨卽以小表副之則景墨而易度

按宋史天文志熙寧七年沈括土渾儀浮漏景表三議朝廷用其說令改造渾儀浮

漏旣成以括爲右正言司天秋官正



或問予以日月之形如丸也如扇也若如丸則其相遇豈不相礙予對曰日月之形如丸何以知之以月盈虧可驗也月本無光猶銀丸日耀之乃光耳光之初生日在其傍故光側而所見纔如鉤日漸遠則斜照而光稍滿如一彈丸以粉塗其半側視之則粉處如鉤對視之則正圓此有以知其如丸也日月氣也有形而無質故相直而無礙程子有云日月之爲物陰陽發見之尤盛者也蓋天地日月一也月受日光而日不爲之虧月之光一日之光耳

沈氏三先生文集

卷第十三

酉

三

沈氏三先生文集卷第十三

沈氏三先生文集卷第二十三

長興集卷第十三

龍圖閣學士沈括存中著

刀筆

進南郊式表

臣某等言伏奉敕命編脩南郊式者郊丘事重筆削才難猥以微能叨承遴選

中謝

蓋聞孝以配天爲大聖以

饗帝爲能越我百年之休明因時五代之流弊前期戒具人輒爲之騷然臨祭視成事或幾乎率爾蓋已行之

沈氏三先生文集

卷第二十三

一

川一六

品式曾莫紀於官司故國家講燎禋之上儀而臣等承撰次之明詔迨茲彌歲僅乃終篇猶因用於故常得刪除其紛冗恭惟皇帝陛下體聖神之質志文武之功嘉與俊髦靈承穹昊物方鬯茂以薦信而無慙人且昭明知因陋之爲恥固將制禮作樂以復周唐之舊豈終循誦習傳而守秦漢之餘則斯書也譬大輅之椎輪與明堂之營窟推本知變實有補於將來隨時施宜亦不爲乎無補臣等編脩到南郊式共一百一拾卷并目錄一

卷謹隨表上進以聞



謝知制誥表

臣某言伏蒙聖恩授臣依前官知制誥者祇荷寵光伏  
增震恐臣某

中謝

竊以敷揚格訓宣發聖謨智不足知

則言有時不類辭不能達則意有所不傳將鼓舞聖神  
之廣聞以成就光大之盛業如臣之比蓋不出庶寮之  
閒量力而共詎敢蒙蠲等之進方陛下發號施令作新  
萬物傳之無窮而羣臣咨謀度宜小大一心出於並世  
譬之陳脩疆畝之始宜得宿艾魁壘之才濫被褒庸固  
嘗自論而不獲退求守分未知私義之所安此蓋伏遇

沈氏三先生文集

卷第二十三

二

川上十

皇帝陛下圖成庶工茂遂羣匹起之於緯蕭之賤煦之  
以成物之仁兼受師言誤收謏學誓期殫力於未至終  
懼降材之難渝不顯亦臨上雖宏於德善作汝用咎臣  
敢忘於後艱圖報之心沒而後已臣某無任瞻天望聖  
激切屏營之至謹奉表稱謝以聞

奉敕撰奉元曆序進表

臣某言數術之學素匪該明論撰之閒終成獵涉臣某  
中謝竊以疇人翫治官事久疏歲未五更歷凡再弊正  
元失紀坎漏出表而不以聞有司具存畔官離次而莫

之省搜絕統之曲藝得遺瞽於播精天雖信其難諶億  
不免乎屢中求駘駁於迎日推策之際消忽微於連珠  
合璧之閒蔑希南正之工僅免西流之失會成新率甫  
及終篇此蓋皇帝陛下懸墜缺之文收斷爛之學考星  
辰之行以求其故輔天地之化以相其宜使民知早晚  
趨勉之期於時無雨暘寒暑之沴將百世有所稽若豈  
片言可以形容始專考訂其是非終使發揮於篇目典  
領條奏顧匪劉歆之博通推傳序文增愧倪寬之寡陋  
上千震曜無補威嚴

沈氏三先生文集

卷第二十三

三

川 8 8

熙寧九年謝早出表

臣某言今月初二日伏蒙聖慈特降中使傳宣入伏早  
下至末伏依舊者凌室藏冰方脩故事百官出沐遽被  
優恩祇荷寵休退惟震慄臣某

中謝

此蓋皇帝陛下施

同天地仁察鳶魚當永歷之初庚軫羣心之瘴暑特寬  
從事均賜出休伏日早歸上體聖神之卹物大夫夙退  
敢忘臣子之愛君遂蝟蛄之私誠濯雲漢之大潤至恩  
欲報沒齒難期臣某無任感天荷聖激切屏營之至謹

奉表稱謝以聞



熙寧十年謝早出表

臣某言伏蒙聖慈特降中使傳宣入伏早下至未伏依舊者竊以初庚應歷甫當金火之剛強先甲申恩遽荷乾坤之覆育臣某中謝此蓋皇帝陛下德同天地施及飛潛方卽高明之君不忘祥延之卹寬坐曹之常業俾夙退以便私出於上聖之至恩非若昔人之自受從事軼掌未申補報之勤退食委蛇更沐優容之賜罄孤忠而自效誓隕滅以爲期徒貫至誠莫酬洪造臣某無任感天荷聖激切屏營之至謹奉表稱謝以聞

沈氏二先生文集

卷第二十三

四

川上七

除翰林學士謝宣召表

臣某言伏蒙聖慈差左班殿直充翰林待詔董士隆至臣所居奉宣聖旨召臣入院充學士者使人卽命昔常待天下之才詔節所加固已孤朝廷之望上惟異恩之難報曾莫寵數之敢懷臣某中謝伏念臣起身至微涉德未幾無良質以受學從下習以目汙一紀從師訖無一業之僅就十年試吏鄰於三黜而偶全未能粹茹苟生歸老壙垠之下尙將壘浴自勵起觀禮樂之興固嘗疾沒世而無聞況當大有爲之盛際日懼危微之易失

未能冑繁之不嘗一對燕閒顧塵泥而已失蹶更焚使  
傳羽翮於將衰地兼兩禁之要華職總三曹之會密禮  
踰常分徒知儒者之至榮官惟其人敢冒口口之所畏  
此蓋伏遇皇帝陛下範圍二極紀綱四方被日月之光  
矇茸爲之有用因天地之化脩翮得以成材過均雨露  
之濡覃及鳶魚之察恩榮至厚避託無從在於論思已  
迎知其有負惟其中懼私敢必於異時圖報之心沒而  
後已臣某無任感天荷聖激切屏營之至謹具狀奏以  
聞

沈氏三先生文集

卷第二十三

五

除翰林學士笏記

新授翰林學士朝散大夫行起居舍人知制誥權三司  
使編脩內諸司敕式詳定重脩編敕長興縣開國男食  
邑三百戶賜紫金魚袋臣沈某伏蒙聖恩授臣前件職  
及差遣者祇膺渙渥伏積經營伏念臣諸生起家白首  
待詔一日之遇望清光於交戟之間再聞未朞預俊遊  
於復門之召如臣忝遇自昔難逢仰惟天地之過恩思  
效涓塵而無術此蓋伏遇皇帝陛下深圖宅俊兼逮芻  
采遂容曲微濫被題飾罄一心而謀報盡茲世以爲期



臣某無任感天荷聖激切屏營之至

除翰林學士謝敕設表

臣某言伏蒙聖慈以臣入院賜臣敕設者外竇見徹宿

陳彤戟之閒光祿興觴盛張金鑾之下榮觀駭於眾目

異數鍾於一時臣某

中謝

此蓋伏遇皇帝陛下雨露均

慈陵阿將意涵濡至德盛禮極於百籟崇飫多儀御恩

過於三歎徒竭飛潛之志莫酬覆幬之仁臣某無任感

天荷聖激切屏營之至謹具狀奏謝以聞

除翰林學士謝賜對衣鞍轡馬表

沈氏三先生文集

卷第二十三

六

川八

臣某言伏蒙聖慈賜臣衣一襲金腰帶一條銀鞍轡馬

一匹者司服在庭校人致命被眷私之安煥傳顯飾之

輝煌苟效死之有階非沒身而不已循踐此語灰粉爲期

臣某無任瞻天荷聖激切屏營之至謹奉表稱謝以聞

吳興州謝上表

原本有目無文  
今從宣誌補入

自速罪辜敢卜投軀之地土繁寬典過叨守土之優藐

孤進之一身荷再生之至造循惟忝冒深自震惶臣某

中謝

伏念臣江海孤蹤生遭盛世弓冶未習素無異能

始緣輦轂之誤聞上辱朝廷之榮選五更使指八踐詞

林非常之恩或兼晨而賜對躡次之舉不踰歲而屢遷  
校前世獲遇之多要古人報國之義縱未得其死所敢  
有愛於生前志未見於事功身已罹於罪議上辜任使  
之意下負生平之心泥首追愆汗顏待斃荷至神之隱  
卹不責備於蠹螟俯燭微誠曲傳輕議尙玷列城之寄  
不失善國之安負戴之心顧泰山而可挾保全之志抑  
朽骨其重生茲益伏遇皇帝陛下至德下臨大明委照  
尙念孤危之緒素無左右之容特寬吏議而使之省循  
過轍州符以觀其補報天地之恩有限聖神之賜難名

沈氏二先生文集

卷第二十三

七

川州人

苟效死之有階非沒身而巳循踐此語灰粉爲期

不代善國之安負戴之心顧泰山而可挾保全之志抑  
朽骨其重生茲益伏遇皇帝陛下至德下臨大明委照  
尙念孤危之緒素無左右之容特寬吏議而使之省循  
過轍州符以觀其補報天地之恩有限聖神之賜難名

林氏三先生文集卷第二十三



沈氏三先生文集卷第二十四

長興集卷第十四

甘露意欲草書龍圖閣學士沈括存中著

刀筆

謝復起居舍人充龍圖閣待制表

臣某言今月三日進奏院遞到敕誥各一道伏蒙聖恩授臣依前行起居舍人充龍圖閣待制散官封賜如故仍放朝謝者俾臨便郡仰戴睿慈更荷誤恩就加顯秩顧惟忝冒交積兢營臣某誠惶誠懼頓首頓首伏念臣

沈氏三先生文集

卷第二十四

一

川川川

熒然孤生出遭興運乏高明之志蘊苟獵涉於藝文早延寵於書林亟躋榮於禁掖荐更器使特出聖知此緣際會於有爲屢賜從容於讌對養心無術曾蔑補於國謀燭理甚卑輒敢干於罪議尙容陳力未卽投荒去違日月之清光出付江湖之善壤爲一身之計顛沈豈望於再生惟許國之心灰朽未忘於自奮分沒身於散地甘絕意於亨衢鈞播無垠不能煦咻於旣墜宸恩橫被超然振擢於無階不使自棄於難值之辰尙冀收功於將盡之日上聖爲恩之至此願臣處己之何如蹈死無

難畢生奚報蓋此伏遇皇帝陛下盛德天覆大明日躋  
輔萬物於曲成矜一夫之不獲遂蒙善貸勿使遐遺棄  
席已傷再施華幄爨林收用復立榮塗敢不勉智力以  
自強奉詔條而與治懋勤夙夜祇述聖明不忘含垢之  
至仁感深鏤骨固守報君之素節誓以捐軀臣無任感  
天荷聖激切屏營之至謹奉表稱謝以聞

延州謝到任表

臣某言伏蒙聖恩授前件差遣已於今月十五日到任  
上訖夙祇明詔被使連城屈師干之顯庸起幽孱於已

沈氏三先生文集

卷第二十四

二

川上

墜澆恩踰分感涕無從臣某

中謝

竊以滎河而西阻山

爲塞背雕陰而劃壤得烏延之故庭虎旅百營貔士十  
萬四府連衡而鸛鷺成列五州共貫而隅落相鉤扼左  
袵之喉襟執西衝之筦鑰治吏累洽野無暴師民忘預  
戒之虞俗沃久安之習板輿羽扇樂罷傲之空名緩帶  
輕裘示四方以無事武衛鬱而不奮荔戎偃然自驕逮  
元聖之膺期監百工而更化政象參稽於治古新書一  
講於神謀廓九將之銳師揭百樓之峻壘旆旗攬鐸達  
奇正者近古無倫弁服瓜纓翹鍾鼎者一旦成市礪燕



吳之粟鍰收屈冀之異材的如星熒目液瞻掉而不敢  
視矯然鵠厲各量色別者無足稱法度備具如此之嚴  
才能眾多於斯爲盛求其將明之可任豈徒長率之爲  
難如臣者沈愚寡能堅陋難飾積緣幸遇浸冒大恩羣  
遊眾人之間無補萬分之一頃以狂冥之論自干義刑  
上緊容厚之仁屈從寬赦未更歲月遽荷前提望國門  
之光猶疑卻步履侍臣之署驟若再生身驚飄葉之輕  
心劇臨困之慄逮賜燕朝之對再趨交戟之宸威座初  
瞻俯句陳而欲仆溫詞載色恍神觀之頓還膏踰雨露

沈氏三先生文集

卷第二十四

三

川文上

之生慈甚義方之教假海岱之使節總河洛之師屯再  
易名城曾未浹日禮優臨遣身奉格言踰聖作之初終  
講睿謀之蘊蹟措長御之格爛典誥之難名論古人之  
功皆筆牘之餘意非素期之所及悉蒙賜於一朝卮酒  
至微尙足死食馬之士三載之獲未能酬解縛之恩才  
非昔人遇超夙古此蓋皇帝陛下照齊日月惠浹天罔  
遏戎疾以兼收微謏聞之或棄敎之載之而期至於善  
念茲釋茲而各盡其方鳶或戾天竊冀下材之可作鴟  
之食樾尙希天性之難移敢不盡慮力行求聖神責任

之實晝警夕惕思天地亭育之恩臣聞心決則氣爲之  
盈勇生於義之所激援枹誓眾則雖三軍而可陵受命  
忘家則視白刃爲無物雖難強者斷斷之技獨自信者  
區區之心有如白水之難移不及黃泉而弗措儻十駕  
而可及雖于能而必爲圖報之堅誓志如此臣某無任  
感天荷聖激切屏營之至謹奉表稱謝以聞

謝加恩表

臣某言准進奏院遞到敕誥各一道伏蒙聖恩授臣朝  
散郎依前充龍圖閣待制加騎都尉進封開國子食邑  
沈氏三先生文集 卷第二十四 四

川上

二百者竊以誕揚孚號一新法度之原朋錫丕釐下及  
瑣涼之品臣某中謝竊以脩曠微之逸典合昭莫於聽

朝形容大猷翕受駿龐之命惠休濱土疇離澳衍之恩  
熙闕世不講之盛儀起正王難能之大烈縱稽稱實方  
訓迪於治工班授政常敢冒于德澤幸踰械量心兼  
震榮此蓋皇帝陛下廣塵霧之容廓天地之施因崇闡  
之哀對嘉服列之駿承不遺外采之遐覃及榮名之賜  
敢不祇欽義訓方底舊聞苟圖報之有階非沒身而不  
已臣某無任感天荷聖激切屏營之至謹奉表稱謝以



謝賜曆日表  
臣某言今月四日都進奏院遞到敕書一道伏蒙聖慈賜臣元豐四年曆日一卷者五紀順平四時信飭述先王之犬奉頌四海之正元祇荷恩榮兼深震懼臣某

伏惟皇帝陛下道體乾運法偉帝王廣延宣問以盡神嘉生茂氣之來相天人欽授以集巍巍之功日月送迎用成嶷嶷之德敷天蒙貺羣物底期臣職布邦條躬承詔錫仰慶無疆之歷俯授萬民之中服命兢榮與眾

沈氏三先生文集 卷第二十四 五  
歡蹈臣某無任感天荷聖激切屏營之至謹奉表稱謝以聞

謝賜衣襖表  
臣某言今月一日左侍禁倪詢到延州伏蒙聖慈特降敕書賜臣翠毛細錦綿襪欄一領兼賜就糧本城諸軍員寮等初冬衣襖餘從宣命指揮者臣等已於當日各

祇受訖使人卽詔笥服將恩發命之初心已踰於挾纊拜榮之日氣驟劇於噓枯顧無荷載之勞越受解衣之賜捐身為誓力報唯期臣某 中謝 伏惟皇帝陛下躬聖

神之欽明並天地之化育旁脩補助之令下及封疆之  
臣興篚錫以鈞休授使華而致寵服而視事敢忘都士  
之有常被以晝行深懼梁鵠之不稱期於顛隕莫踰榮  
恩臣與本路將佐諸軍等無任感天荷聖激切屏營之  
至謹奉表稱謝以聞

漢謝慰耐廟表

臣某言伏蒙慈聖光憲皇后耐廟禮畢者方中永闕世  
室追崇聖念難居普天同戚臣某

中謝

伏惟皇帝陛下

沈氏三先生文集

卷第二十四

六

川又文

視懷桷知孝德之德忘聞其容聲慨靈遊之如在

謝傳宣獎諭表

臣某言伏蒙聖恩傳宣撫問者臣聞都俞堂陛之上帝  
堯極天下之明褒貶片言之閒孔子擅萬世之法況當  
大明之無所屈至德之不可階舒慘迪四時之工頓笑  
移曠代之俗豈臣之微而遽當蒙格訓之賜求義所在  
則以何塞名實之歸忤營省循俯仰頓越臣某

中謝

此

蓋皇帝陛下稽順休命保惠庶工謂推誠可以成物而  
發爲過恩錄藝所以興能而先其下達豈止淪於肌膚



爲終身之溢榮固當銘在盤匱遺歷代之寶訓志圖力  
報期盡此生臣某無任瞻天荷聖激切屏營之至謹奉  
表稱謝以聞

同天節功德疏

臣等伏以祕緯孚先密祚剛亨之運璿靈啟泰甫當震  
育之期款神時以躋誠接丕禩於遼御庶休景會萬宇  
同寅皇帝陛下伏願天固壽祺日隆帝羨濬襲無疆之  
歷紹開有永之年地拱天臨契千齡之炳燦日升月互  
延四海之鴻祥臣等無任瞻天祝聖激切屏營之至謹  
沈氏三先生文集 卷第二十四 七

具疏奏聞

同天節功德疏  
臣等伏以祕緯孚先密祚剛亨之運璿靈啟泰甫當震  
育之期款神時以躋誠接丕禩於遼御庶休景會萬宇  
同寅皇帝陛下伏願天固壽祺日隆帝羨濬襲無疆之  
歷紹開有永之年地拱天臨契千齡之炳燦日升月互  
延四海之鴻祥臣等無任瞻天祝聖激切屏營之至謹  
沈氏三先生文集 卷第二十四 七

長興集卷第十四  
臣等伏以祕緯孚先密祚剛亨之運璿靈啟泰甫當震  
育之期款神時以躋誠接丕禩於遼御庶休景會萬宇  
同寅皇帝陛下伏願天固壽祺日隆帝羨濬襲無疆之  
歷紹開有永之年地拱天臨契千齡之炳燦日升月互  
延四海之鴻祥臣等無任瞻天祝聖激切屏營之至謹  
沈氏三先生文集 卷第二十四 七

沈氏三先生文集卷第二十五

長興集卷第十五

龍圖閣學士沈括存中著

表

謝賜夏藥表

臣某言今月二十一日入內侍省內東頭供奉官史瓌到延州伏蒙聖慈傳宣撫問及賜臣夏藥一角臣於當日祇受訖三庚應節歷當熏暑之期五藥均慈恩出仁民之澤祇膺感忭捧拜震驚臣某

中謝

此蓋皇帝陛

沈氏三先生文集

卷第二十五

一

川文

下兼天地之涵容相神明之發育時屬蘊陽之候惠流扇暘之仁興飲錫於王醫出使旄於少府微張仲之義過矜六月之勞乏高馮之功越當一劑之賜體驟竭於燔炭心內慄於飲冰濡雲漢之大章傳宵翹之末類期於顛隕莫諭恩榮臣某無任戴天荷聖激切屏營之至謹奉表稱謝以聞

賀捷表

龍圖閣學士沈括存中著

臣某言伏見陝西河東諸路兵馬收復銀夏韋宥蘭石州清遠軍米脂細浮圖石堡塞門鳴沙薑詐王都等城



寨者蠹蝨肆螫方輿四罪之誅蓬莖何心已格兩階之

舞臣某

中謝

竊以誅止元惡故兵無兼時之勞義存大

公則眾非百姓之敵陳師而牛酒日至大國而市井不

移戴自遺民尙識故鄉之閭巷壺漿塞路復見大漢之

衣冠此蓋皇帝陛下帝昇大中天錫勇智盡霽露之所

墜協風雷而不迷豈容一方獨不霑道德之澤因其多

罪力拯於水火之中纘文武之顯功遂祖宗之美志豈

止播爲聲詩而著在金石固將薦之郊廟而告於神明

指河外之八州將悉歸於禹貢撫西方之九國已掩迹

沈氏三先生文集

卷第二十五

二

川上元

於靈王臣參護制兵屬聞大凱心存魏闕阻奉萬年之  
觴身望法宮敢同百獸之舞臣無任歡呼忭蹈激切屏  
營之至謹奉表稱賀以聞

謝賜戎服表

臣某言今月初八日准御前封遞到賜目一道賜臣戎

服紫緊絲陷銀線花襖子一領紅罽錦陷金銀勒白一

條烏漆和泥金陷蚌裝花鞘手刀一口豹皮襖裏鞞軒

一副金線烏梢細弓一張射甲長箭五十隻銀纏桿槍

二條繡門旗二面者二矛交鞞先王所以謀有功淑旂

大綏燕師所以席嘉寵壯戎昭之美耀煥武服之華章  
敢圖乏才過叨眷渥臣某

中謝

此蓋皇帝陛下貫道命

以端本兼權實以趣方恢不世之奧區紹格天之峻烈  
大錫師中之命用嚴闔外之威顧無方叔之壯猷越受  
武公之分命賜書出道馳騎傳呼駭眾目以眾觀舉一  
軍而皆賀匈奴未滅誓靡壘以先登獵狔于襄嬰前款  
而敢避益堅素志圖報異恩臣某無任感天荷聖激切  
屏營之至謹奉表稱謝以聞

謝轉龍圖閣直學士表

沈氏三先生文集

卷第二十五

三

川上川

臣某言今月初八日都進奏院遞到詔書一道以臣辭  
免龍圖閣直學士所辭宜不允者臣尋已祇受訖官有  
定選必待純才恩出非常過收駁業名分可畏榮懼兼  
深臣某

中謝

伏念臣起於諸生出逢盛際貧不過斗食

之慕知未出流習之污誤蒙一顧之榮驟越眾人之望  
器危易覆質竊難材初無二善之間日與危亡爲比保  
全至於今日終始出於聖恩土木無知尙當震躍精誠  
儻類敢憚糜捐雖蒙堅蹠勁而不辭况盤根錯節之敢  
避颯然須髮之變白已先蒲柳之衰不知氣力之幾何



尙極榆枋之決值震威之取亂奮天吏以拘原甫聞鞞  
鼓之音沛發榮懷之慶進知干分深虞顛隕之招退不  
獲辭徒知俯僕之懼此蓋皇帝陛下道至能化而士有  
成德功極造物而人無能名接事之變則法爲政刑一  
民之心則示之與奪錄諛聞而懋賞歆天下之赴功閒  
楚君臣無間萬金之委慰趙子弟不惜千戶之封致茲  
瑣蒙亦冒褻渥敢不肅將廟算力振天聲東馬仇方傳  
飡逃士斬潘辰於疏勒竊慕古人係可敦於藁街不忘  
素志賈三軍之餘勇蕩九姓以爲期臣某無任感天荷  
沈氏三先生文集 卷第二十五 四  
聖激切屏營之至謹奉表稱謝以聞

謝賜夏藥表

臣某言今月十九日入內內侍省內東頭供奉官幹當  
染院權苑容約到延州伏蒙聖慈傳宣撫問及賜臣夏  
藥一角臣於當日祇受訖寵賁維藩恩勞夙駕發靈蘭  
之異品將細札之殊榮祇沐眷慈過矜瘴暑臣某

中謝

此蓋皇帝陛下至仁天覆厚德時行適庚伏之屆期軫  
常生之失御苦良參辨本內府之祕經亭育示私體雲  
章之濡澤駭輝華於多目鼓抃蹈於一軍驟疑羽翼之

脩徑卽冕旒之對拳拳誓報指白水以爲盟斷斷輸勤  
惟丹誠之自信臣某無任感天荷聖激切屏營之至謹  
奉表稱謝以聞

謝將士曲珍已下授官表

臣某言准九月二十七日聖旨本路將士新授西上閤  
門使曲珍等五百十五人伏蒙聖恩等第授官及減年  
磨勘者決策授成力未伸於閩外圖功錫命恩首及於  
軍中臣某

中謝

竊以蠢茲裔藩自干義殺犄角並進者

五路輔車相依者四軍威神所臨雖會歸於必勝裒庸

沈氏二先生文集

卷第二十五

五

川川

之寵惟光拜爲至榮此蓋皇帝陛下藏用不居子物從  
厚念四牡之駕行釋昆夷之憂微一日之勞遽蒙東山  
之閔罄全師而懋賞罔一介之或遺勝氣折千里之衝  
歡聲賈三軍之勇臣忝司節鉞職在總齊榮抃之誠倍  
深將卒臣某無任瞻天望聖激切屏營之至謹奉表稱  
謝以聞

謝賜對衣表

臣某言准都進奏院遞到中書劄子一道伏蒙聖慈賜  
臣衣一對金腰帶一條者倅帶異章粲衣被體仰天威



之咫尺對命節之光華臣某

中謝

伏念臣降才鯁愚趣

學卑陋獎進幸逢於樂育提攜獨出於聖知誤忝榮塗  
對襲內衣者四詔一辭魏闕不侍清光者六年西殿敘  
班爲陳迹之已久兼金在笥感舊物之復還追故步以  
心驚拜深恩而涕落此蓋皇帝陛下廊兩儀之度總萬  
化之原灼三宅以興民益六章而疇績賁仙花之美飾  
副威鳳之彌文瞻篚錫而來猶記尙衣臚句之節望宸  
居而拜如聞內朝鐘鼓之音異數屢頒此生難報惟畢  
忠勤之誓少伸螻蟻之誠臣某無任感天荷聖激切屏  
營之至謹奉表稱謝以聞

沈氏三先生文集

卷第二十五

六

川上三

而隨州謝表

臣某言伏蒙聖恩授臣均州團練副使隨州安置臣已

於今日日到隨州訖才微識暗誤被寵陞任過力窮卒  
招敗覆上賴聖神之賜特寬斧鉞之誅尙隸州團曲從  
寬典臣某

中謝

伏念臣裔方陋習寒屋孤生出逢聖時

望止一屢之末業驟登朝路遽叨越次之殊榮居常懷  
超冒之憂必欲求報效之實罄丹誠而後已蹈白刃而  
敢辭然而才薄趣卑心勤事謬措一身而無地宜萬死

之難逃豈圖天造之曲容特屈大威而伸宥

長興集卷第五

謝詒授秀州團練使表

表

謝詒授秀州團練使表

謝詒授秀州團練使表

謝詒授秀州團練使表

沈氏三先生文集卷第二十五

沈氏三先生文集卷第二十五

沈氏三先生文集卷第二十五

七

〇上文

沈氏三先生文集卷第二十五

沈氏三先生文集卷第二十五

沈氏三先生文集卷第二十五

沈氏三先生文集卷第二十五

沈氏三先生文集卷第二十五

沈氏三先生文集卷第二十五

沈氏三先生文集卷第二十五

沈氏三先生文集卷第二十五

浙江書局刊

張大昌校

姚煥校

鮑家瑞校



沈氏三先生文集卷第二十六

長興集卷第十六

龍圖閣學士沈括存中著

表

謝謫授秀州團練副使表

臣某言伏蒙告命授臣秀州團練副使本州安置不得

簽書本州公事勳賜如故者效官無狀國有常刑易地

便私恩出非望兢營自念感懼交深臣某

出自寒門苟循世緒隳隤白首無一畝以退耕黽勉清

時希斗食以自祿偶聖神之委照拔疵賤於片言技出

一而已殫才屢試而益屈志尙希於僥倖心愈昧於自

知先帝不忍加誅假之善地微臣未獲死所主孤至恩

心存溝壑之歸望絕雲章之潤敢謂大明之繼照曲念

先朝之舊臣不使遂棄於遐陬尙聽稍遷於便地儼然

有再生之意復收於垂盡之年此蓋皇帝陛下推好生

之仁敷上聖之惠大開天地之施不遺簪履之微致此

餘年獲霑渥永懷雨露之賜更盡螻蟻之心感極難

形惟知頓伏臣無任瞻天荷聖激切屏營之至謹奉表

沈氏三先生文集

卷第二十六

一

川州

稱謝以聞

臣某言伏蒙聖恩命授臣秀州團練副使本州安置不得

簽書公事勳賜如故者自干政刑義當永棄重見閭里

特出異恩獲貫餘生實係再造臣某

中謝伏念臣塵泥

常調江海孤生寧復自聊壯志摧傷於晚路出逢盛際

片言偶合於聖知冒進踰涯積盈招覆顛沛已期於殘

滅存全曲荷於寬矜百口銜恩三年擢髮分永沈於散

地寧復望於內遷蓬華蕭條已退編於民籍姓名埃沒

沈氏三先生文集

卷第二十六

二

忽復挂於命書敢圖漢域之遐上軫法宮之念精誠所

激感抃難名此蓋太皇太后陛下凝一德於至神齊萬

化於治古照均日月之廣施無雨露之偏罪出其身不

使廢松檟之奉恩歸比壤有以慰鄉井之懷荷大造之

至仁盡此生而難報臣某無任瞻天荷聖激切屏營之

至謹奉表稱謝以簡

臣某言伏蒙聖恩授臣秀州團練副使本州安置不得

簽書公事勳賜如故臣已於今日到秀州訖祇荷寬



恩曲矜舊物重見故里獲庇餘生臣某

中謝

伏念臣早

以庸材謬叨繁寄上負任使客祭已決於此身下念孤  
忠生還特出於聖造復覩江吳之路尙疑夢寐之遊感  
極心驚屑然涕落此蓋皇帝陛下揚對天之大力握盡  
神之潛機丕圖庶工總攬涓治造化至力肖翹亦荷於  
昭蘇天地爲心枯槁一均於化育使垂盡之朽骨與萬  
化而同新雖奮竭之心難伸於已廢之日惟忠孝之志  
敢罄於未死之前瞻望闕庭臣某無任感天荷聖激切  
屏營之至謹奉表稱謝以聞

沈氏三先生文集 卷第二十六

三

川上上

又

臣某言伏蒙聖恩授臣秀州團練副使本州安置不得  
簽書公事勳封賜如故臣已於今日到秀州訖未填  
溝壑重見鄉閭聖恩如天死生難報臣某

中謝

伏念臣

資才素下幸遇最深勵大節者歷年未中年而白首訖  
無少效以酬至恩荷洪造之存全假餘生於晷刻三年  
無半面之舊一日見平生之親正使自謀寧復過此幸  
深爲懼感極難名此蓋太皇太后陛下躬上聖之睿神  
措大業於安永仁民愛物發於至誠率土普天感戴聖

德尚當捨難恕之責不忍絕自新之門使歸骨於舊廬  
慰首邱之餘戀苟此生圖報之無路雖瞑目不忘於大  
恩瞻望闕庭臣某無任感天荷聖激切屏營之至謹奉  
表稱謝以聞

進守令圖表

臣某言臣先准熙寧九年八月八日中書劄子奉聖旨  
編脩天下州縣圖准今年二月十八日尙書省批狀許  
令投進者攬提封於堂上徒盡謾聞措方輿於日中愧  
非良史臣某

中謝

竊以漢得關中之籍始盡天下之險

沈氏三先生文集

卷第二十六

四

川上又

夷周建主方之官務同萬民之弊利文不備則不足資  
實用事不核則無以待有爲徧稽宇內之書參更四方  
之論該備六體略稽前世之舊聞離合九州兼收古人  
之餘意四海可以喻度率土聚於此書僅欲終篇適緣  
罪去出守封疆者再聞流落江湖者七年每行抱於遺  
編幸終塵於乙覽伏惟皇帝陛下道充八極恩溥萬邦  
仁智信武之民翕歸於禹貢昧仕侏離之樂並趨於舜方  
掩躋聖之九圍總雲師之二監使百世有所詢考豈片  
言可以形容上愧充國之金城無裨廟略遠迹賈耽之



隴右粗紀方聞今畫守令圖並以二寸折百里其開道  
路迂直山川隔礙處各隨事准折內廢置郡縣開拓邊  
境移徙河渠並據臣在職日已到文案爲定後來係臣  
罷職別無圖籍修立大圖一軸高一丈二尺廣一丈小  
圖一軸諸路圖一十八軸並用黃綾裝縹副本二十軸  
用紫綾裝縹謹隨表上進以聞

籠絡簡編僅收駁技辨離星土蔑有異聞臣某

中謝竊

以載籍以還圖牒猥雜人秉異說制不相沿務博洽者

沈氏三先生文集

卷第二十六

五

同上

廣著難考之要荒趨簡約者漫棄備存之縣道未盡奠  
方之名實何補建邦之講求今考舊文參傳新意凡守  
令之所職咸具討論在聲教所未加姑從疑闕稽經於  
四庫之廣藏抵隙於九土之方言歲星一周抱殘編而  
自力更書五易驚爛簡之復收伏惟太皇太后陛下德  
被無疆化覃有截執玉帛之國迹已掩於塗山受大小  
之球功並隆於商后互幽陵蟠木之境兼五戎九貉之  
區挈國子來普天砥厲盡日月之所照豈縑素之可形  
考古驗今徒效芻蕘之獻挂一漏萬無裨海嶽之藏

謝進守令圖賜絹表

臣某言伏蒙聖恩以臣投進守令圖了畢特支賜絹一百匹仍許任便居住者討論疏略方在譴訶調卹重仍遂兼榮幸欽承威詔涕汗交流臣某

中謝

竊念臣學不

逮人仕空有志早聞忠義之訓遂有奮竭之心然而名不素高事難倚辨城役留屯於並塞軍興專職於守疆效力無門上孤西顧之託垂恩賞死特寬軍候之刑百日相隨七年念咎敢上希於寬詔已絕望於生還藜藿苟安實蒙再造邱壠有幸併荷深恩此蓋皇帝陛下樂

沈氏二先生文集

卷第二十六

六

川石上

堯舜之仁邁禹湯之度如天之無不覆遂物之所以生惜簪履之棄捐拯焦枯於溝壑全其骸骨賜以便安訪遺老於故閭詠太平之舒日生負素志不能效力於當年溲而有知尙期酬恩於瞑目瞻望天闕臣某無任感恩荷聖激切屏營之至謹奉表稱謝以聞

又

中謝

臣某言伏蒙聖恩以臣投進守令圖了畢特支賜絹一百匹仍許任便居住者缺簡程工方虞於速譴匪頒將

命遽被於過恩祗荷寬矜伏深震懼臣某

中謝

切念臣



材不濟務識後常倫頃緣誤恩謬職邊瑣興師忽生於  
裨將護築旋隸於王人弱羽易摧一身甘俟於夷滅大  
明委照萬死曲荷於存全更緣方域之謾聞得返漁樵  
之舊業屢阡死所豈斑白之敢期垂老餘年皆朝廷之  
所賜此蓋伏遇太皇太后陛下恩同天地施及芻蕘出  
處旣原其本心功過亦容以相補愍繫匏之不食開生  
路於已衰聽其釋佐吏之拘使親得庶民之事步歸故  
里敢忘猷猷之心回望宸廷猶深犬馬之戀瞻望闕庭  
臣某無任感天荷聖激切屏營之至謹奉表稱謝以聞

沈氏三先生文集

卷第二十六

七

川三

謝分司南京表

臣某言今月十九日潤州差人送到官告一道伏蒙聖  
恩授臣左朝散郎守光祿少卿分司南京許於外州軍  
任便居住勳封賜如故臣已卽日祇受訖生全之賜已  
荷恩矜敘追之期出於望外目觀訓敕心尙驚疑臣某  
中謝  
伏念臣出自寒門苟循世緒疇隳白首無一畝以

退耕黽勉清時希斗粟以自祿偶聖神之委照拔底賤  
於片言技一出而已殫才屢試而益屈使臨劇塞於義  
不敢辭難但謂平時常才亦可勉力更無異策唯信孤

忠比臣在任之時適當用兵之際始罷靈州之役誤蒙  
手敕之褒逮邊議之再興鑒遠攻之非利請完近塞欲  
以救屬寮容戰之輕孤論中移無以回王人專制之銳  
由臣不職竟累偏師效力無門上孤西顧之託垂恩貫  
死特寬軍候之刑敢圖垂盡之年重沐再生之賜洪造  
興物難回霜霰之餘聖恩及臣更過天地之力忤營威  
懼旣隕而蘇此蓋皇帝陛下德施川流睿慈天廓薰陶  
所至徧飛潛動植之微潤澤一均無高深遠近之異推  
恕心以多道不盡人於一端進退必原其本心功過或

沈氏三先生文集

卷第二十六

八

川七十

許以相補如臣之比尙且不遺雖奮竭之心難伸於已  
廢之日惟忠孝之志敢忘於未死之前臣無任感天荷  
聖激切屏營之至謹奉表稱謝以聞

沈氏三先生文集卷第五十六



沈氏三先生文集卷第二十七

長興集卷第十七

龍圖閣學士沈括存中著

啟

謝江寧府王相公啟

右某啟蒙恩授前件職及差遣者內命叨榮邦會申秩地兼要重匪惟薄技之素殫任非賢勞實懼誤恩之虛委顧無可致之善以蒙不次之知所以養育教載使之成人提攜假借至于此日一出鼓舞之至造豈復形容

沈氏三先生文集

卷第二十七

一

川文上

之可言淪在心誠皦如天日此蓋伏遇判府僕射相公包荒忘已樂善無方濟天下於太平遂萬物而不宰罄大夫學士之所論無小材片言之或遺蓋取博則不能無厯任大則戒於有累致茲孱瑣誤玷甄揚雖然齒髮之向衰尙期忠義之可奮誓堅螻螿之志仰酬陶冶之恩

知制誥謝兩府啟

龍圖閣學士沈括存中著

右某啟蒙恩授前件職幸出不謀承命震悚竊以立朝廷之位則重輕四方之觀代人主之言以翕張天下之

事必先求學問義理之所在然後察是非趨向之何如  
豈惟圖資於知人殆將於此乎觀政自非盡一時之選  
無以厭多士之心如某者學未知方才不充物少嘗有  
志於明善所知不出於眾人方主上發號施令作新萬  
物傳之無窮而廟堂咨謀度宜賢智一心出於並世譬  
之陳修疆畝之始宜得宿艾魁壘之才濫及蠢冥蓋嘗  
自論而不獲退求分守未知私義之所安此蓋伏遇某  
官圖成庶工茂相羣匹在陶埴大鈞之所及雖陵阿小  
物之不遺敷納師言曲收謏學誓期殫力於未至終懼  
降才之難渝不顯亦臨雖蒙嘉於聖日作汝用咎敢忘  
戒於後難圖報之心沒而後已

沈氏三先生文集

卷第二十七

二

川八上

自備謝兩制

此蓋伏遇某官推廣德心援進後學願無臺杞之善以  
蒙長養之仁來游來歌雖降才之難強弗得弗措敢無  
意於異時尙冀竭能以卒圖報

無以回新及第人啟

右某啟伏審光被褻聞起膺賓納上求道學裕問之與  
處士非安宅冀志而不居得古人之甚難回弊習於一



日久虛願治之意以待成材之興在睿簡之所先昔論  
篤之素與方私承問之可幸敢卜紹介之見先張屈御  
人已懷重意之虛委往門下尙寵拜嘉之爲榮祇荷臨  
存敢忘佩服

沈氏三先生文集  
卷第二十七  
三  
川又川

右某啟伏審光被褒聞起膺賓納惟正學之至重蓋三  
代之所先開之於物至之前終之于王者之口非徒化  
育之有贊乃實治亂之大原自非有成德達材之資不  
足持先生長者之論有原者治殆如此既弊則講之滋  
難將收於斷爛之中略可知圖任之意伏惟某官誦學  
之富素高於師聞發育於人久形於心術不階左右之  
相特出訪逮之明多士已懔於敷言四方將此乎觀法  
當務振其所未起靈止有相於已傳方私承問之有從  
敢卜使介之見枉重意虛辱拜覲爲榮

到延州謝兩府啟

右某啟蒙恩授前件差遣已於今月十五日到任上訖  
祇應明詔出總連城屈師干之顯庸起幽辱於已墜浼  
恩過幸千分爲憂伏念某愚無所長暗不逮事趨貢籍

者殆三四上隸銓筦者幾二十年幸齒髮之未衰偶聖  
賢之盛際驟化塵泥之賤濫班省閣之華碌碌眾人之  
間曾微小補師師百官之表獨負腆顏向自挂於丹書  
分永沈於散地未更歲月遂被湔收望屬車之塵出生  
平之意外忝名城之寄寧此口之敢懷燃灰卒荷於鈞  
陶朽株再沐於雨露沉西門之筦鑰繫一道之慘舒地  
大兵強御之不可以無術粟多民庶養之必使其知方  
茲豈下材之所能特出樂善之過與此蓋伏遇某官包  
荒致厚裕眾無方濟天下於太平遂萬物而不宰志存

沈氏三先生文集

卷第二十七

四

川上川

覆育曾微片善之或遺德被幽潛尙軫一夫之不獲過  
均餘潤俯及將衰特寬三省之仁以觀終身之報敢不  
脊圖來效力致勇功不擇眾人之所難期於千能而後  
已心知所徇敢愛桑榆之末光誠在必爲尙布忠義之  
可奮誓堅螻蟻之志知酬甄冶之恩

謝轉運啟

未更歲月遂被湔收望屬車之塵出生

右某啟伏蒙運使學士曲加褻借仰辱薦收非所揣量  
過遇而感循其涯分獲寵爲驚竊以古之教人不待其  
爲士然後學人無不學不待其有希然後爲要之非學



不足以成材則其處心不出於爲利人皆盡其本質才亦幾於易知中世已還善教久墜學旣主於爲祿勢必至於徇人有欲旣入則不能無邪所趨不同而均於有爲况其無素養之具得之以一日之間尊賢愈隆趨僞益速旣以難甄辨之術乃始嚴保任之科薦納未能必良好惡仍復相半試一不效言卽見疑罔進者旣不得而分篤論者亦相牽而廢始皆謂之良選卒亦出於空言豈誠救弊之無方患在因人而廢法旣講厲之無素終則誠信之不交下有聲利之牽故艱於無心而樂

沈氏三先生文集

卷第二十七

五

川文上

於有迹上疑黨與之蔽則收其顯效而略其素資潔士旣難以迹求善人復恥以言用是法不可獨特而在舉者之可否人不可徧取而繫別之之是非苟擇而付之猥盡其詳則求而得者宜亦少信今茲纘緒之始人有願治之心議自清閒斷於睿哲眾心亟於更化天下望於此時苟非行高德完業盛器博用捨不枉於行已語默有足以兼人退不潔於方廉進無嫌於權利朝廷謂之得士有司不爲失言則可以副上所以期下之心下所以稱上之意如某者賦才素薄從學未明專致一身

之能僅出眾人之下貧不能免於有徇義無以避於苟  
爲逢時治康與物俯仰常固謂之有負寧敢卜於見明  
此蓋伏遇某官推己盡誠望人以約聰明行於意表訪  
逮極於方來侏儒衡楛之至微收羅蘊崇而不棄求其  
易知之行則曲士必見其長不以所難望人則匹夫可  
與爲善在舉知之名則甚重量當日之用則易充其有  
取舍之心僅若毫釐之比足枝梧於近用不牽制於虛  
名致此微人謬玷公選行可之仕寧敢望於古人量力  
而供庶或私於一技勉思力到上答恩評

沈氏三先生文集

卷第二十七

六

川又又

賀孫河東手狀

右某啟伏審改使邊劇入賜清閒士民驚傳恨然失賴  
伏惟邊不弛備者六世柄之所屬者數公其操舍一術  
之非良則翕闢百變之自此急人如是在勢且然迎河  
左還則掎燕而守踰澮西折蓋判秦而疆地大兵堅與  
古爲抗豈惟臨遣之至重固亦僉言之共期惟藐孤生  
驟乖厚記

賀諫院舍人啟

右某啟伏審外庭拜命西掖代言英材蒙知清論歸美



竊以文章辭令之選茲實法度風教之原惟厚薄邪正之所歸乃治亂盛衰之攸繫纂辭深厚故能通物變之微贊指坦明遂可格天下之動以至諭恩懇惻隱民疲俗之變心申制簡嚴武夫悍卒之奪氣蓋識通於用者遇變皆合言發於性者感人易深豈特經綸之大猷茲惟鼓舞之盛事矧欲流風之復古屬當施令以趨時宜席真賢上副明主恭以諫院舍人純賦學敏深資性原兼來百善之長獨收高世之譽機靈深造於德務志力久形於功名潤色鋪張固歸大手建明將順實稟素心

沈氏三先生文集

卷第二十七

七

川八

譽謬霜臺恥混眾人之諾諾講摩聖訓力震大聲之欲欲以樂育則休有成材之風以直筆則刊正將來之法振翼雲漢垂光虹蜺遠近所傳縉紳交頌燦然述作將建一家之言銳於討論庶追三代之業盛際甫期於登贊庶休行被於康功雅辱眷存竊盛欣躍未遑慶覲先屈眷辭深惟降挹之謙祇益感銘之實

沈氏三先生文集卷第二十七

浙江書局刊

張大昌校

姚煨校

鮑家瑞校

沈氏三益生文集

卷第二十七

八

卅三

沈氏三益生文集卷第二十七 八 卅三

沈氏三益生文集卷第二十七



12346



